

**Acordo da Mesa do Parlamento de Galicia, do 4 de novembro de 2024, polo que se inicia o procedemento para a elección polo Parlamento de Galicia de catro membros do padroado da Fundación Galicia Obra social**

A Mesa do Parlamento, na reunión do día 4 de novembro de 2024, tomou coñecemento do escrito da Fundación Galicia Obra Social polo que solicita a realización das xestións necesarias para a aprobación da renovación do cargo ou unha nova designación, segundo os casos, dos patronos da Fundación en representación do Parlamento de Galicia (doc. núm. 13895).

No artigo 14.1 dos estatutos da Fundación Galicia Obra Social establécese que lle corresponde ao Parlamento de Galicia a designación de catro membros do novo padroado, en proporción á representación de cada grupo parlamentario.

Para os efectos de realizar á dita designación, considérase conveniente regular o correspondente procedemento.

En consecuencia, a Mesa do Parlamento adoptou o seguinte acordo:

1.º) Abrir o procedemento de elección polo Parlamento de Galicia de catro membros do padroado da Fundación Galicia Obra Social.

2.º) Acordar a distribución entre os grupos parlamentarios dos catro representantes do Parlamento de Galicia no padroado da Fundación Galicia Obra Social en proporción á representación parlamentaria de tal xeito que corresponden tres ao Grupo Parlamentario Popular de Galicia e un ao Grupo Parlamentario do Bloque Nacionalista Galego.

3.º) Abrir un prazo para a presentación de candidaturas no número que corresponda a cada grupo parlamentario, que rematará o martes, día 12 de novembro ás 10.30 horas.

4.º) De acordo co disposto nos artigos 12, 13 e 14 dos estatutos da fundación, as persoas candidatas deben cumprir os requisitos seguintes para ocupar o cargo de membro do padroado da fundación:

1. Debe tratarse dunha persoa física, con plena capacidade de obrar, que non estea inhabilitada para o exercicio de cargos públicos nin se atope incurso nunha causa de incompatibilidade.
2. Deberán ter coñecementos e experiencia en materia económica, financeira ou xurídica, ou nas materias social, cultural, científica, artística ou educativa, ou en calquera outra que sexa obxecto da actividade da fundación que lles permita adoptar as decisións que lle afecten é entidade con coñecemento dos seus posibles efectos e das responsabilidades que asuman.

Portavoz do G.P. Popular de Galicia  
Portavoz do G.P. do Bloque Nacionalista Galego  
Portavoz do G.P. dos Socialistas de Galicia  
Portavoz do G.P. Mixto



3. Non poderán ser membros do padroado da fundación:

a) As persoas quebradas ou afectadas por un concurso de acredores non rehabilitadas, así como tampouco as que fosen sancionadas por infraccións graves nos termos establecidos no artigo 13 dos estatutos da fundación.

b) As persoas que formasen parte dos consellos de administración das antigas caixas de aforros galegas.

c) As persoas que exerzan un cargo por mandato representativo, nin as incluídas nas incompatibilidades dos membros da Xunta de Galicia e dos altos cargos da Administración autonómica, nin o persoal eventual ou directivo das corporacións locais, nin os dirixentes de partidos políticos, organizacións sindicais ou empresariais.

5.º) Os grupos parlamentarios correspondentes presentarán, mediante escrito asinado polo seu portavoz, unha lista que conterá os nomes das persoas propostas ata o número que lles corresponda.


Con cada lista achegaranse a aceptación expresa de cada un dos candidatos ou candidatas e a declaración personalizada de reunir os requisitos establecidos na norma cuarta destas normas, así como un breve currículo asinado que documente a declaración anterior.

6.º) A Mesa da Cámara cualificará os escritos referidos presentados por cada grupo parlamentario. De comprobarse que non se axustan ao determinado nestas normas non se admitirán a trámite, identificarase expresamente o extremo ou extremos incumpridos e outorgarase un prazo para a rectificación que remova a causa que motivou a non admisión ou, de non ser isto posible, para a presentación dun ou duns candidatos alternativos.

7.º) Trasladar este acordo aos portavoces dos grupos parlamentarios.

Santiago de Compostela, 8 de novembro de 2024

María Elena  
Candia López,  
Vicepresidenta 1ª



Firmado digitalmente por María Elena Candia López, Vicepresidenta 1ª  
Nombre de reconocimiento (DN): cn=María Elena Candia López, Vicepresidenta 1ª, email=elena.candia.lopez@parlamentodegalicia.es  
Fecha: 2024.11.08 09:55:32 +01'00'

María Elena Candia López  
Vicepresidenta 1ª

Portavoz do G.P. Popular de Galicia  
Portavoz do G.P. do Bloque Nacionalista Galego  
Portavoz do G.P. dos Socialistas de Galicia  
Portavoz do G.P. Mixto





**PARLAMENTO DE GALICIA**  
**REXISTRO XERAL SAÍDA**  
**Data asento: 08/11/2024 09:55:58**  
**Nº Rexistro: 3610**  
Data envío: 08/11/2024 09:55:58,834

**Asinado dixitalmente por:**

**María Elena Candia López, Vicepresidenta 1ª na data 08/11/2024 9:55:32**

CSV: REXISTRO-sX/Mx4BpB-5  
Verificación:  
<https://sede.parlamentodegalicia.gal/tramites/csv/>

